



UNIVERSITÄTS-
BIBLIOTHEK
PADERBORN

Universitätsbibliothek Paderborn

Parallelæ Geographiae Veteris Et Novae

Briet, Philippe

Parisiis, 1649

Nvm. 6. Ætolia.

urn:nbn:de:hbz:466:1-13167

cupati sunt, quoniam in Occidentem extenduntur, ideoque in signo stellam Hesperum præferebant: dicti sunt verò Ozole quasi Olenes, vel à fluvio in quem defluxit sanguis centauri Nessi ab Hercule vulnerati, vel à Pythonе serpente qui hinc computruit, vel ab herba graueolenti, vel à tumulo Nessi, vnde Tabes perpetua defluit, vel à florū flagrantia, vel quod probabilius à vestibus; vtebantur enim pellibus *ελυπτεύτοις non courroées*, neque lanā ut cœteri Græci, sed corio tegebantur. *Epicnemidij* parentes Ozolarum erant, ita nuncupati à *Cnemide* oppido. *Opuntij* dicti sunt ab urbe *Opunte* Patrocli patria; & hinc Abantes populos Pausanias collectat.

QUALITAS. Ozolarum ditio satis fertilis, reliquorum ager asperior, & montibus interscisus.

MORES & POLITIA. De eorum vestibus, & odore iam satis multa. Turpiter admodum se amabant, & ea fœditas lege compescenda fuit, inquit *Max. Tyrius*. Communes habebant uxores, *Athenaeus*. Mortuorum funera conuiuiis celebrabant; item apud eos fur excœcabatur, *Heracles*. Si æger medico prohibente vinum bibisset, & conualuisset morte multabatur, *Aelianus in variis lib. 2. cap. 37.* Colebant Mineruam Zosteriam: sic dictam à Zonis ex quibus gladios appendebant.

NVM. 6. Ætolia, & Ætolii.

NOMEN. Olim Ætolia *Curetis* dicebatur, & *Hyantis*, postea Ætolia, ab Æto filio Endymionis, qui ob cœdem fugit ab Elide, & eō veniens Curetas expulit.

QUALITAS. Versus mare sterilior erat, in Septentrionem fertilis, inquit *Strabo lib. 10.*

MORES. *Liuius lib. 36.* describit Ætolos, superbos, vanissimos, beneficiorum immemores, sed bellicosos, quod & innuunt epitheta μενεχάματι Homero, *in bello prompti, σταχεφόροι Clipeati* Euripidi. Vno pede calceati præliabantur, quare μονοκρήπτες dicti. *Maximus Tyrius* eos prædatores inducit, *Strabo Piratas*, qui & eos fundæ auctores facit. Magnificos & semper obæratos eos describit *Athenaeus*.

POLITIA. Habuit olim Reges suos Ætolia, quorum celeberrimi infabulis Oeneus, & eius filius Meleager Atalantæ sponsus,

cuius causâ multa bella Caledonios inter, & Pleuronios enata sunt. Deinde Reip. speciem sibi informarunt, diûque regibus Macedoniæ satis animosè restiterunt, vtentes suo Concilio quod *Panetolum* dicebant. Sed cùm Romanos contempſſent à Fuluio Nobiliore domiti, potentiam & animos truces deposuerunt.

N V M. 7. *Doris, & Dores.*

NOMEN. *Doris* à Doro Hellenis filio nomen accepit, vel ut alij malunt filio Deucalionis, quem pater vnà cum aliis filiis emisit ad nouas regiones occupandas, vno tantum secum retento. Hic autem Dorus ad Parnassum montem confidens incolas eius Dores appellauit.

QUALITAS. Regio hæc tota asperior, & montibus interfusa.

MORES. Linguâ elegantissimâ vñi sunt, & quæ sola lyra harmoniam temperaret. Bellicosí fuere, atque in galeâ tulere setas equinas, vt viderentur magis terribiles, quare *τειχαῖς* ab Homero dicti, non à tribus vrbibus. Musicæ supra reliquos Græcos addicti fuere.

POLITIA. Colonias in varia loca sparserunt, Calcedonem in ore Ponti, vbi & cæci dicti sunt quòd deteriorem locum elegissent. In Siciliâ Syracusas condidere, vt vult interpres *Pindari*, & vrbes ibidem aliquot. Dyrrachium quoque incoluisse tradit lib. I. Thucydides.

§. 4. *De Peloponneso in genere.*

NOMEN. *Æzalia* olim dicta fuit hæc regio ab *Ægyalo Inachi* filio; postea *Ionia* ab Atheniensibus qui eam occuparunt: tum *Apia* ab Apide Rege vt vult *Pausanias*, vel vt *Athenaeus* lib. 4. à Pirorum prouentu; quamquam interpres Theocriti malit *Pira* dici *ἀπίς*; ab ea regione. Demum Pelops ex Phrygiâ huc delatus Peloponnesum nominauit, quasi Πέλοπος νῆσος. Stephanus ait quoque Inachiam dictam esse: Homerus Argos videtur nominare, vel ab urbe nobili, vel ab Argo custode Inus vaccæ, vt ait interpres *Euripidis*. *Strabo* quoque ex Ephoro tradit dictam esse Pelasgiam; vtrum autem dicta sit Pelasgicum Argos, an sola Laconia, discussum leges apud Gerbelium.

D d iij